

16. Wazzer lescht fiur unde gluot,
almuosen rehte daz selbe tuot:
daz leschet sünde z'aller zit,
dâ manz mit guotem willen git.^{1 3}
- Tod.**
17. Swer driu dine bedâchte,
der vermite gotes æhte:
waz er was und waz er ist
und waz er wirt in kurzer frist.^{1 2 3}

Weltweisheit.

a) Geschlechter, Lebensalter, Stände.

20. Durch fröude frouwen sint genant:
ir fröude erfröuwet alliu lant.³
21. Wære der himel permit
und dâ zuo daz ertrich wît
und alle sternen pffaffen,
die got hât geschaffen,
si künden niht geschriben
daz wunder von den wiben.
22. Swaz guots und übels ist geschehen,
man muoz ein teil den wiben jehen
des besten und des böesten,
des nidersten und des hœsten.
23. Dehein man diu wip erkennen sol,
si suln die man erkennen wol.³
24. Hânt alte liute jungen muot,
die jungen alten, deist niht guot:
singen, springen sol diu jugent,
die alten walten alter tugent.
25. Got hât driu leben geschaffen:
gebûre, ritter unde pffaffen;
daz vierde geschuof des tiuvels list,
daz dirre drier meister ist:
daz leben ist wuoher genant,
daz slindet liute unde lant.
26. Nieman ritter wesen mac
drîzec jâr und einen tac,
im gebreste guotes,
libes oder muotes.
27. Swer tugent hât, derst wol geborn:
ân tugent ist adel gar verlorn.^{2 3}
28. Nieman alsô nâbe schirt
so der gebûr, der hêre wirt.^{2 3}
29. Der keiser sterben muoz als ich,
dem mac ich wol genôzen mich.³

b) Tugenden und Fehler.

Dreierlei Sinn.

30. Swer übel wider übel tuot,
daz ist menschlicher muot;
swer guot wider übel tuot,
daz ist gotelicher muot;
swer übel wider guot tuot,
daz ist tiuvelicher muot.

Weise und Toren.

31. Swann ich des weges irre gân,
und sæhe ich tûsent blinden stân,
stât ein sehender dâ bi,
den frâge ich, wâ diu strâze si.¹
32. Bezzer ist zwir gemezzen
dan z'einem mâle vergezzen.³

leise. daz (s. diezen) das Rauschen. 17 vermite zu vermeiden § 33 I. æhte st. Fern. Verfolgung, Strafe. 18 wien mit (bloßem) Inf. 20 Etymologie frô: frouwe. 21 permit < pergamente (kontrahiert). künden: könnten § 10, 1. 23 die man § 16 A. 24 leben Lebensweise, Stand. ge-bûr st. oder schw. Mask. (vgl. nâhgebûre). Jeder andere Stand und Erwerb (außer den dreien) ist Wucher. 26 Der Verstrich einer Frist wird erst dann für voll erachtet, wenn in die außer ihr liegende Zeit eingetreten wird; daher „Jahr und Tag“; vgl. auch 101 Schuß beim Salutschießen! 30 Jahre = ein Menschenalter. gebreste es fehle ihm denn. 28 schirt zu schern scheren. 32 zwir zweimal.